

安徽府縣志輯

中國地方志集成

道光繁昌縣志
乾隆涇陵縣志

道光繁昌縣志



(清)曹德贊 原本
(清)張星煥 增修

1607/15

中國地方志集成

安徽府縣志輯④

出版發行 江蘇古籍出版社

社址：南京市中央路一六五號

發行部電話：〇二五—三三三、三三四六二

郵編：二一〇〇〇九

印刷 上海市印刷七廠

定價 一八二元

責任編輯 薛飛

封面設計 范一辛

美術編輯 姜嵩

1998年4月第1版第1次印刷

ISBN 7—80643—002—4/K·2

本書十八卷首一卷，清道光六年
(一八二六)刊，據民國二十六年(一九
三七)鉛印本影印。

增修繁昌縣志序

凡事屬職分之所當爲時勢之有可爲而因循怠玩莫之或爲者皆廢弛之漸也繁昌一切公務宜因時而舉者多矣而縣志一書自乾隆十六年修後迄今垂八十年余自任午冬來茲土見舊志殘缺即有志興修其明年固邑被水居民靡折官吏疲勞未暇及此今當連歲豐登瘡痍稍復

中丞陶公謂安省自分藩以來未有志

奏請纂修檄下各州縣採訪良輯以備紀載並頒發採訪程式以期 各州縣

士紳先後踴躍遵行書成次第以上纂離僻小獨焉不講可乎且是書也前令曹君及少尉林君已具底稿較前志頗爲明備續而纂之易易也失此不修後將改佚而不可復續誰之咎與爰取是書冗者刪之缺者補之其體例之未合者釐而正之而閩邑士紳亦皆踴躍從事相與有成竟不至以刻楮貽宋人笑倘亦艱於創始而樂於圖成之一驗歟且夫志之爲書也非徒以爬剔摭拾淹博誇富麗也其謂

繁昌縣志書 卷之首 序

一邑山川之險易土地之肥瘠風俗之淳澆蠶桑具載宰斯土者將爲之體形勝則思所以固疆圉稽賦役則思所以謀生聚衆禮俗則思所以敦教化先定其規模以從事而凡事之所當爲者皆可審時度勢次第以舉而不負乃職焉志者規模之所從立也 不揣固陋勉爲之倡衆爲之和矣夫繁邑之事待於有爲者多矣所願閩邑士紳電勉同心以長佐余之所弗逮

道光六年歲次丙戌秋八月

賜進士出身繁昌縣知縣乙酉科江南鄉試同考官前翰林院庶吉士加二級善化張星煥撰

續序 一 崇禎十四年

繁昌縣知縣馮洪收

繁志之缺略久矣今所據爲粉本者正德間志然一展卷寥寥數牘鄙俚簡率三家村人語爾則將轉而稽諸郡志作於萬曆辛丑差若可憑然多詳於附郭而略於外縣無可考也夫邑雖僻小而提封有履等威有辨經賦有額物服有章而徵往埃來布在方策舍志奚適有如官其地者以身爲郵簿書鞭笞足了一日其於一邑之文獻漠不關心坐使書契之世夷於結繩殘闕之形烈於秦燬誰贖其咎而致是邪受事以來幾欲更始乃實苦於軍興孔劇連歲凶飢拮据荒政日不暇給壬午夏日二麥初稔調療稍痊余唯恐其弗及也亟與邦父老子弟討故實以論之而集衆思以成之閱三月而役竣是役也事取其嚴而郭書杜撰之必屏也議取其公而納交要譽之必察也謀取其斷而聚訟築室之勿泥也三資者具余應得以報成事焉因憶山川之閱人多矣自有茲邑以來迄武廟時閱千五百年而當事者初其榮自正德迄今又百有餘歲而山川文物殆若再開生面也者蓋人與地與時相過若斯

繁昌縣志書 卷之首 舊序 一

二

之難而遙觀厥成余適有原幸益滋有苦心已

聖天子威加中外膏露遍及黎民安堵樂業十數年於茲矣又治通版 憲臣乃請大修天下地志轉行郡邑儒學檄仰同學博洪 明鍾韓 允昌遴選生員才學淹俊者設館處之詳加釐定閱三月而書成檄散弁言於首粵稽周官外史掌四方之志此輿地志之所由來也屬世相沿凡疆域山川衝塞要害城郭溝塗田井賦役宜仕選舉人物節孝學校圩堡以及寺觀仙釋典籍方術禽魚草木禮儀俗尚無不悉具天下授文奮武之區皆各有記載亦代有增修以備史乘之蒐纂雖彈丸小邑然處江左上游密邇藩省其風物茂美不下蘇吳間井仁厚頗臻於古爰考舊志更輯煩蕪者雖之脫漏者補之我

朝定鼎以來一切條件繁分門類庚增不阿不隱矢公矢慎如陳詩短諸葛之才魏收減爾朱之惡吾知免矣檄於此獨有感也從來千戈槍壤之餘何暇纂葺與同仰

惟 纂昌縣志書 卷之首 舊序二

惟

與朝旭運天下太平

天子既孜孜嚮禮樂文教放在位咸欲潤色

皇猷倡茲盛典特亦因刻符下邑庶務清簡克與二三人士遠稽博採兼對景賦詩彙成此編較舊本特詳確典雅綽有史裁此一代之光非復一邑一家之私乘云爾

邑之有志所以辨形勢之險易明土地之沃瘠稽戶口之登耗核賦稅之贏縮考風俗之淳漓如是焉而已險易辨則保疆固圉有程也沃瘠明則調劑區畫有據也登耗稽則休養生息有規也贏縮核則斟酌損益有準也淳漓考則勸懲旌別有方也夫然後清弊源快蠹本按成憲樹良法相其緩急而輕重布之斯政行教舉吏治民安邑有所恃以固矣邑固則郡固則省固則國固則維神京安泰山而奠磐石斷斷如也是故修通志必自修邑志始蓋區乘流然後知朝宗之大捭列宿然後知北極之尊尊者職要卑者職詳理勢然也纂昌彈丸邑耳語形勢則據郡省之上游長江縮焉波流浩渺至鵲嶼始水轉山迴形勢爲之一束清其上使望不得入則旋有輾矣疏其下使滯不得壅則兼有壘矣誠多爲之備又益以草薶髮櫛俾機杼足量絲舞掉之姦無所容斯保疆固圉有餘耳此形勢之宜辨也語土地則半屬山鄉半爲澤國同樹嚴城之下其田既若累棋汗萊沮洳之間其田又若斥鹵兩陽調

惟 纂昌縣志書 卷之首 舊序三

四

則各中收早澇岐則惟偏熟計惟因隄防時蓄洩廣陂池齊心力斯調劑區畫不無少助耳此沃瘠之宜明也論戶口則宋戶四千九百有奇元戶一千五百有奇明戶三千三百有奇至我 朝則戶增至六千九百有奇額較溢矣閭閻之富盛則害稼者多畜蕃則敗蠶者衆故曰招徠致庶易安輯保庶難若夫重四民使各安其業申三物使日進於良亦庶幾固軼矣乎顧猶有慮焉大兵所經雖保無風鶴之驚也軍興所督難保無絲穀之費也暑雨未必其無否也祁寒未必其無怨也則休養生息誠不能不慮於懷耳此登耗之宜稽也語賦稅則惟正之供源流詳焉

國家定鼎以來經制一準萬歷啟禎而下無藝之徵悉汰除之下此則蘆課要矣蘆課獨非地利也哉乃彼則寓以攤字而有餘此則加以敲扑而不足民急則毀產以紓目前甚則累家以競逃亡也吏嘗則賄補以爲彌縫其則束手以聽參罰也考其所自蘆課始自二千金而後屢奉清丈遞加至四千金而羨是益一倍矣夫天地生財止有此數一盈則一虧東漲則西沒今也前後之額遠若廷楹詎無以少報多以

無爲有之弊邪州戶告困日病日深下吏不憚爲窮黎請命所恃各憲繪流民之圖
聖天子垂如鑑之聽則轉漕酌於清波登水火於枉庸有引領聖耳此斟酌損益所
宜核厥臬維也論風俗則山樞隔輪有唐風之儉采閭閻苟無鄭俗之淫且風俗亦
何常之有南陽好商賈召信臣教以本業潁川好告訢韓延壽教以禮讓風行草偃
惟上之從又況教範未盡泯機利未盡開邪此勸懲旌別所宜考厥淳漓也五者備
而志幾全矣他如星野災祥之恒變建置沿革之異同城郭池隍之修築廨署宮室
之廢興學校廟壇之因創山陵邱墓之顯晦以至官方政蹟之鑒駁名宦鄉賢之典
型忠孝節烈之繼起科第聖俊之蔚立旁而及於文章著作之淹富仙釋方伎之神
奇山水亭臺之佳勝土產物華之紛錯博物君子能言之鴻儒碩士能筆之騷人墨
客能咏歌而紀載之延年可勿喙耳今也繁民之疴瘵卽延年之疴瘵繁民之疾痛
卽延年之疾痛故其爲言切實不汎朴實無文如此不然者通志之修赫然奉
聖天子詔命行且由郡藩以達臺部集一省之大成以進早

容寬僻邑小臣苟稍飾其說是自賈戾也其何敢於其志成謹拜手稽首弁之簡端

邑之有志爲治之賢也封域田土賦徭食貨兵防吏治學校民風分外史之所司以
備職方之稽考故宜於土俗合於人情而入政七教之施不勞而定且夫山川之靈
異鍾聚於人其顯者足以光邦家而言坊行表之所留皆可砥風化而維名節史雖
遍載而邑志采之志之修蓋若斯之重也繁之邑大江亘其流北距河淮南分江楚
又衆峯列峙秀靈所盤礴心臧物愛之奧區而板子一磯扼姑孰皖城南北咽喉之
要詎曰僻在一隅曠方所可略乎歲己巳予奉

天子命承乏是邑履任以來朝夕惟懷祗懼暇則聚父老子弟詢邑之利弊思泝次
以興除考証遺編以佐人言之弗逮洎披覽舊乘未修訂者垂八十年嗚呼寧惟故
老之傳聞半銷歟於語言文字而八十年中之損益亦時異而事殊志以資治文不
足則獻亦無徵難以合人情宜土俗矣恭遇

六飛南御問俗觀風繁卽最爾區統荷

宸衷軫念重以上憲交檄飭修縣志予雖執掌風塵敢云無作史材遂貽羞於隕越
乎於是聘名宿簡一邑秀良授館具餐參互而考訂正舊志之譌謬而增以八十載
之見聞始庚午仲冬迄於今秋七月而予也簿書之隙訪求商確以定是非去取之
閑惟覈實以導真不刻期而欲速蓋閱時凡四告厥成焉夫修志之事與史畧同才
不足以衷敷學淺而識微無當於三長之目雖語依經樹則以仰酬乎懿好之人心
斯志之修詎謂上追史然數典必綜諸古而無稽曲說之勿庸平情以稱其施而濫
述諛碑之習絕要使人情土俗藉以發明而僻在一隅者得備瞻軒之采則釐前志
啟將來或亦可爲爲治之資而八政七教之一助爾書成將以授梓例弁數語於簡
端乃不揣弗文穢塵冗而爲之序

重修繁昌縣志序

繁昌縣知縣曹德贊

今使將一邑之中所謂山川之險易賦役之衆寡風俗之厚薄無不若網在綱有條不紊舍志其何以哉顧修志之難其弊有二苟簡則失之缺略濫收則失之荒蕪二者交謬而濫收爲尤其往見明康海武功志韓邦奇朝邑志嘆其詳嚴而與圖疆域容有未備又見毛大可蕭山志刊誤書僅三卷辨訛迺八十餘條由斯以談志亦何可易言矣

國史其時適纂修

大清一統志行取直省通志以供採擇辛未夏出宰繁昌甫下車卽索邑志讀之思求其要領所在且將以上之史館也繁邑截長補短不足百里數載以來周歷殆遍所見山川風俗按之邑志輒不盡合且條教之因革人物之富庶按之邑志又不盡合蓋王志修於乾隆辛未一仍梁志之舊而稍增益焉訛以傳訛無所更正梁志修於康熙乙卯八手編輯而不復融會貫通往往自相矛盾水道一門尤爲謬誤

繁昌縣志書卷之首 原序

七

惟顧治丙申張志最爲精詳有法惜無完本今所見者縣圖至選舉八卷及雜記藝文兩卷而已正德崇禎兩卷則其文不傳久矣不揣固陋公餘之暇重爲釐定原本舊志証以太平府及蕪湖南陵等志並博採歷代地理及現行賦役全書則例下逮碑版文集之屬悉互而考訂之而典史林君光祖留心掌故且官是邑最久凡有疑義相與往復商榷不厭詳慎謬者證之史者考之增昔所無續今所有凡三易其藁而後告成爲志十卷十有八雖不敢謂繁簡得宜折衷至當庶幾徵文考獻足以傳信云爾夫志者史之流也政教之本也周官行人之職禮俗政事教治刑禁爲一書康樂和親安平爲一書然後天下之故無不周知焉洪惟

聖朝重熙累洽文治光昭士習民風蒸蒸日上承乏繁昌於茲六載學淺才疎自慚報稱惟日與邑之人課桑麻興學校相安無事共樂昇平適得簿書之餘成此邑乘以備輶軒之采其厚幸爲何如耶書既成因識其緣起既以自勗並以告後之宰是邑者

舊跋

繁昌縣教諭陳喬齡

惟我

聖天子覆載無私朔南皆訖禮宣樂聖仁漸義摩吞雲叶雨之鄉梯航並至浴日浮天之表關籍奄歸固已協氣旁流共球輯瑞德心廣布文軌同休乃當萬幾之乘猶屬士習民風之念且煩

九重之責不憚省方問俗之勤凡以土宇山川極開治化聲名文物足驗淳龐故詩探風謠不遺小國書載方域非止巨靈民以邑糾積之著蒸藷之象政以志核考之成通會之書此良有司之所以仰體兢競而繁邑乘之所以重修亟也按繁山環崢嶸爲姑蘇之奧區溪繞江橫貫南天之勝境鸞鳴渚含孕靈奇白嶼紅尖鐘鏗文秀太平之景物野盡桑麻

盛世之井疆鄉皆魚米渾渾樸樸夙號唐風都郁斌斌依然古處斯謂無美不備抑亦有人則靈矣然忘歲月而樂昇平者百有餘載素志乘而失編紀者七十多年天

繁昌縣志書卷之首 舊跋

一

地著英每益新而益異猷淵精源恒愈發而愈光或功可旂常或行推閭黨或芳踪掩抑或奇節埋沉又且侶蝦抱虎而不彰煮鼎燒丹而終晦賦就三都而莫選詩成七步而無標即此需載之多材從可例推夫他類第以事湮年遠據據殊難縷網荒蕪尋尤苦欲信今而傳後敢不惟慎惟嚴將勵俗而扶風安計任勞任怨能知此意可言斯志之修明克體此心乃識 賢侯之美舉夫 侯本桂林鉅手槐苑宗工宏才寄保障之賢小試妙烹鮮之術捐循善政已勸心於白叟黃童與革良規早著蹟於丹書綠字於是以治民之權治志調和等寬猛之宜以垂教之意垂文溫厚達激揚之道虛衷採訪何道於工賈漁樵雅意編纂奚憾於毫釐錄黍聘請則鴻儒操筆鉛槧獨精參稽則鄉彥名流見聞倍確含毫操簡必三四以躊躇博集嚴收務僉同其議論則筆則削字挾風霜以校以書章成圭璧洵規前而並繁就簡舊說皇哉亦示後而補漏增華美矣備矣 才漸武庫學愧文淵目睹豹斑性誠鳩拙願輝分隣燭在桑梓久藉餘光而鐸附花封幸芹藻亦邀溢潤况

宮牆丹碧

宸翰昭回夙夜悚惶惟此鼓篋弦歌之化人文蔚起恒切風醇俗美之思細閱班才

太府大人且汲許而加之華弁快觀董筆備齊小吏亦臆言而贊以蕪詞蓋邑乘

與

國史無殊自此卜

輶軒之類采盛事與隆時並著從茲知鼓吹之愈休云爾

重修繁昌縣志卷之首

凡例

一繁志自順治至乾隆業經三修張志十二卷有綱有目梁志廣爲十八卷然綱目不分王志仍梁志之舊而廣爲三十卷門雖多踳駁特甚且江防先於山川封蔭先於田賦亦屬次序不倫斯編爲卷十八爲綱十爲目六十有二比類相附井然秩然首圖考次輿地正經界也次營建次食貨次學校次武備詳治法也有治法則必有治人故職官次之教化行則風俗美故人物次之然後題縣以揭其舉備事以歸其餘故次之以藝文雜類終焉

一王志山水總圖將諸山橫豎羅列殊無義意江防圖尤爲倒置斯編確核疆域另繪縣境江防二圖並補繪學宮圖

一王志沿革察數語且多游移斯編博採諸書務求可據並以今縣地繪列代縣治圖於右庶讀者一目了然

一王志山與嶺分巖與洞分殊爲割裂且江防不過數十里而有臨江夾口魯明江等目幾不知此江卽自岷山入海之江矣斯編山嶺巖洞合而爲一惟以方位爲次水道以江爲宗而荻港滄港二水發源注江者次之其荻港滄港二水經由之地卽注於本條之下以免紛煩

一王志風俗或抄儀禮或抄荆楚歲時記其自記士風又復悞而不文斯編爲就本色風俗登載無取掠美飾觀

一城池公署壇壝田賦學校概以現行者爲主其以前損益沿革附載於後以資考鏡

一縣屬兵防陸路屬縣采營水路屬游兵營王志江防另爲一門而陸路列入職官殊乖體制斯編總爲武備志而水陸屬政附焉其官職姓氏仍列入職官志一王志人物爲一門孝義列女流寓隱逸方伎仙釋又各爲一門將謂孝義在人物外乎斯編統爲人物志分宜續文苑孝友隱行尚義書壽隱逸流寓方伎仙

釋爲十日

一節孝爲風化攸關張志非詳准旌表者不載誠爲有見樂志未旌者一例編入亦善著從長之意至年例未符本不遵行載入但念其立志甚堅苦節可憫姑附載於後以備他日採訪可也

一碑板之文舊志本列入藝文曹翊庭志稿以其文附於事謂事以文傳文亦以事傳良爲快舉而藝文所收者僅古今體詩耳於體例稍有未合今仍取碑板之文列入藝文仍於各條下註明有文詳藝文而文之無足存者但註云某某有記

一是書也前令曹翊庭獨任其事少尉林光祖襄之煥則稍爲釐定而加增焉其中或有遺悞尙冀博雅君子重爲訂正庶不以咎煥者兼答及前令曹翊庭

繁昌縣志書 卷之首 凡例

二

重修繁昌縣志姓氏

增纂官

繁昌縣知縣乙酉科江南省鄉試同考試官前翰林院庶吉士加二級張星煥

協修官

繁昌縣知縣 縣儒學教諭汪炳燾

原纂官

繁昌縣知縣前翰林院庶吉士加二級曹德贊

督梓官

繁昌縣知縣 縣儒學教諭史林光祖

參訂

繁昌縣志書 卷之首 姓氏

恩貢生 候選訓導黃復謙

分校 庠生張兆煌

庠生張維琰

增廩生吳鉉

廩生李楠

廩生蔡祥慶

採訪 庠生湯如金

增庠生李華池

附生陳文漢

歲貢生古傳禮

繁昌縣志書												繁昌縣志書											
卷之首												卷之首											
姓氏												姓氏											
監												監											
廩												廩											
監												監											
庠												庠											
庠												庠											
廩												廩											
例												例											
例												例											
千												千											
監												監											
廩												廩											
廩												廩											
監												監											
貢												貢											
貢												貢											
補												補											
貢												貢											
未												未											
監												監											
廩												廩											
監												監											
庠												庠											
庠												庠											
廩												廩											
增												增											
廩												廩											
庠												庠											
增												增											
廩												廩											
歲												歲											
廩												廩											
候												候											
監												監											
監												監											
生程修祚												生王上青											
生仇名綱												生吳廣森											
入洪占鰲												生古允澍											
生程名基												牛盛定昌											
生汪立瑞												總何奎											
生孫純												生徐學泗											
生艾芝馥												生畢昂											
生命坤												生劉興瑞											
生馬逢源												生劉鳳翔											
生馬名沛												牛劉正南											
生吳熒												生董澄											
生孫真												生陶興泉											

廩	庠	武	監	庠	庠	監	監	監	武	庠	庠	廩	附	附	歲	監	理	監	監	庠	廩	廩	訓
												貢 貢 貢											
生邢楷	生邢鵬	生邢兆蘭	生張兆璫	生徐會清	生徐景周	生謝榮富	生方有熙	生王書成	舉朱鏗	生方策	生張書紳	生艾一棟	生徐爾熾	生徐雙桂	生徐灼	生徐心修	問徐心沅	生朱鰓	生汪棟	生張承德	生黃衣	生黃朝位	生黃善義

議主 庠序 監 監 監

叙

貢

縣

承謝元猷
簿王代柏
生趙瀾
生王標
生鮑攀鳳
生謝源
生王鐸
生許生盈

繁昌縣志書
卷之首 姓氏

六

繁昌縣志目錄

卷之首

序

卷之一

建置沿革

形勢

卷之二

風俗

卷之三

城池

繁昌縣志書

卷之首 目錄

一

凡例

姓氏

目錄

圖

輿地志

星野

山川

湖潭池
泉井附

疆域

鄉都圩埠
橋溪附

輿地志

古蹟

墳墓

營建志

公署

倉庫附

卷之四

壇壝

營建志

寺觀

卷之五

戶口

食貨志

田賦

卷之六

蠲卹

恩賚

積貯

馬田

社會

鹽法

物產

囚田

卷之七

學宮

學校志

從祀

祭器

樂器

舞器

卷之八

學宮志

學宮源流 學署 學田 學額

書院

卷之九 武備志

兵防 城守 江防 烽燧 水軍

馬政 夫役附

卷之十 職官志 名宦附

卷之十一 選舉志 封蔭鄉飲附

卷之十二 人物志

宦績 文苑 孝友 懿行

卷之十三 人物志

繁昌縣志書 卷之首 目錄

尚義 耆壽 隱逸 流寓 方伎

仙釋

卷之十四 人物志

節孝

卷之十五 人物志

未旌節孝

卷之十六 藝文志

文

卷之十七 藝文志

詩 書籍

卷之十八 雜類志

戎事 祥異 辯訛

繁昌縣志書 卷之首 目錄

三

繁昌縣志卷之一

輿地志

建置沿革

郡縣既分畛域判焉邑自西漢以來備置不常遷徙頻復沿革不明紛如聚訟矣夫疆域案則地輿時左幅員定斯官與人符留心掌故者所宜亟講也

志建置沿革

繁昌縣

唐虞夏商屬揚州(省志)

於古則荒服之國(晉書地理志)

禹貢揚州之域(輿地廣記)

周屬揚州(歷代沿革表)

武王訪泰伯後得仲雍曾孫周章時已長勾吳因封於吳(府志)南陵舊志稱周

繁昌縣志書卷之一輿地志建置沿革

武王封泰伯五世孫周章於吳

元王四年越滅吳地屬越(戰國策)或作元王三年誤

顯王三十五年越王無疆伐楚師敗楚殺無疆乘勝盡取吳故地遂屬楚(戰國策楚威王六年)

策楚威王六年

秦始皇帝二十四年滅楚悉定江南地置楚郡(府志)

始皇帝二十六年分天下爲三十六郡以楚郡分爲會稽九江三郡(史記)

按文獻通考稱四十郡與史記異

漢初屬鄣郡(歷代沿革表)

武帝元封二年改鄣郡爲丹陽郡屬揚州統縣十七宛陵於潯江乘春穀秣陵故

鄣句容涇丹陽石城南陵縣縣屬湖潯潯陽歙宣城(漢書)春穀之名始此

按春穀舊治在今縣西春穀鄉

後漢屬揚州丹陽郡治如故省宣城地入宛陵統縣十六宛陵一溧陽二丹陽三故

鄣四於潯五涇六歙七鄣八陵陽九蕪湖十秣陵十一湖熟十二句容十三江乘十四春穀十五石城十六(郡國志)勳師古日本作鄣

光武帝建武六年移丹陽郡治宛陵丹陽縣屬春穀領如故(府志)

三國吳主永安間分蕪湖以北爲丹陽郡治建業以南爲故鄣郡治宛陵春穀秣陵

(梁志)

按丹陽郡治宛陵兩漢書同三國吳仍治宛陵非建業也吳主權改秣陵爲

建業黃武四年遷都焉宋書所謂秣陵其地本名金陵晉武帝太康二年分

丹陽爲宣城郡治宛陵而丹陽始移治建業舊志謂吳永安間丹陽郡治建

業誤

吳孫策初渡江即以周瑜周泰相繼爲春穀長自後常爲重鎮(文獻通考)

西晉屬揚州宣城郡武帝太康元年分丹陽立(宋書州郡志)水經注同

太康二年徙丹陽郡治建業廢故鄣置宣城郡治宛陵統縣十一宛陵宣城陵陽

繁昌縣志書卷之一輿地志建置沿革

安吳臨城石城涇春穀廣德寧國懷安(晉書地理志)按省志丹陽陽字派从

阜晉宋二書並从木以丹陽山多赤柳爲名

按宣城郡建置年月當從沈約鄭元作元年爲是今考元和郡縣志又云漢

順帝立宣城郡太平寰宇記又云武帝元符元年改鄣郡爲丹陽郡至順帝

又改爲宣城郡恐皆誤

東晉屬宣城郡又於春穀地僞立繁昌縣屬襄城郡又屬淮南郡元帝太興元年即

位建康移丹陽郡治臺城西時流民從帝渡江即春穀地僞立襄城郡繁昌縣以

處之(府志)繁昌之名始此

按東晉時春穀繁昌兩縣並立春穀舊治在今治西春穀鄉有今南陵縣地

繁昌舊治在移風鄉普照臨即今蕪湖縣南辛圩

繁昌令漢舊名本屬潁川魏分潁川爲襄城又屬潁川(按亂字下疑有省字

一襄城郡以此縣屬淮南割於湖爲境(宋書州郡志)

按漢繁昌縣本屬潁川魏屬襄城郡晉元帝時因襄城郡繁昌之民從帝渡江流聚春穀遂即春穀地僑立襄城郡繁昌縣以處之南唐以後仍其名不改其實晉時僑立之繁昌縣地今已併入蕪湖今繁昌縣地則漢春穀縣舊壤也○于湖即今當塗縣

成帝咸和四年蘇峻祖約爲亂江淮民南渡江者轉多乃於江南僑立淮南郡領縣有三繁昌春穀定陵（晉史）

按王志載成帝咸和以江淮之民南渡者多僑立淮南郡於春穀繁昌間僑立定陵縣沿革志內綴繁昌於襄城郡下並云春穀仍隸宣城定陵別隸淮南與晉史異未詳所本今沿革表遵晉史更正○定陵今漢舊名本屬襄城郡至是僑立於此後割蕪湖爲境隋併其地入南陵今定陵舊治已不可考且無其名故不入表

孝武帝太元八年改春穀爲陽穀（晉書）

繁昌縣志書卷之一輿地志建置沿革 三

按南陵縣志載宋孝武大明六年以避太后諱改春穀爲陽穀屬宣城郡與晉書不符況宋齊書志宣城屬縣並無春穀可見春穀本隸淮南或偶因淮南郡停並隸宣城尋復析置淮南則與于湖遠道定陵等縣並屬淮南爲是至稱避后諱改爲陽穀殊無所考一遠道漢作遠道晉作遠道本僑縣也隋省入宣城定陵縣亦省入南陵

安帝義熙九年太尉劉裕表定制諸流寓郡縣多所併省襄城郡以繁昌領於淮南省陽穀入蕪湖而春穀遂廢又省蕪湖入襄垣縣（府志）自是春穀闕

歷代沿革表淮南郡領縣五繁昌上黨蕪湖襄垣于湖

按春穀縣自晉義熙九年省入蕪湖又省蕪湖入襄垣至梁天監元年始於陽穀地置南陵郡中歷宋齊八十八年則陽穀地亦入襄垣矣

宋明帝泰始三年還屬揚州領縣六于湖當塗繁昌襄垣定陵遠道（宋書州郡志）通鑑注宋泰始中以揚州之淮南宣城爲南豫州

齊屬淮南郡

淮南郡領縣六于湖繁昌當塗遠道定陵襄垣（南齊書州郡志）

梁武帝天監元年於陽穀地置南陵郡治緒圻爲南陵縣隸之（梁史）

按晉書哀帝召桓溫入朝至緒圻築城居之即此

南陵本漢春穀縣後併于湖縣尋又屬繁昌梁武帝始置南陵縣屬南陵郡臨江有城基見在去今縣一百三十里（續通典）梁南陵縣管治緒圻隋唐爲鎮成（明一統志）

陳文帝天嘉五年於南陵縣置北江州南陵郡隸之（陳史）

按梁時於春穀地置南陵郡陳文帝復於南陵置北江州隸石城縣城定陵等五縣而繁昌仍屬南豫州淮南郡

隋文帝開皇九年平陳廢淮南郡並襄垣于湖繁昌西安四縣更置當塗徙治姑孰罷北江州及南陵郡並定陵等縣置南陵縣（府志）自是繁昌闕春穀地仍爲

繁昌縣志書卷之一輿地志建置沿革 四

南陵縣

唐高祖武德初改郡爲州以宣城爲宣州領縣八（府志）

宣州宣城郡領縣八宣城當塗涇廣德南陵太平寧國旌德（唐書地理志）

武德四年以南陵縣隸池州（舊唐書）

太宗貞觀元年二月分天下爲十道八曰江南潤宣三州屬之廣池州仍以南陵縣隸宣州（府志）

新唐書志元宗二十一年分天下爲十五道其第十三爲江南西道治豫章郡宣州屬之舊唐書志肅宗以後觀察使治宣州又乾元元年十二月甲辰置浙江西道節度使領昇潤宣歙等十州尋廢至德宗貞元三年二月宣州屬江南東道置觀察使領之昭宗龍紀元年五月楊行密陷宣州表於朝詔以行密爲宣歙觀察使按舊唐書肅宗自乾元以後宣州統縣十宣城一望當塗二繁昌三涇廣德四涇廣德五涇水六南陵七太平八南國九旌德十德宗光啟

三年復置昇州割溧陽溧水隸之宣州統縣八

昭宗大順元年改宣州爲南唐軍授楊行密節度使

元宗時於南陵仁義鄉置石碣場採石碣（在今縣治南鄉）○舊志○按今繁昌及南陵縣均無仁義鄉

長安四年移南陵縣治於青陽城（江南通志）

按長安係武后年號長安四年即唐中宗嗣聖二十一年

舊唐書志池州南陵縣漢春穀縣地梁置南陵縣治緒圻城唐長安四年移治青陽城（即今南陵縣治）

南唐昇元中割南陵五鄉復置繁昌縣同蕪湖縣隸金陵府改當塗爲建平軍（府志）

曠方考梁初十一國至周之季存者七國自江以南二十一州爲南唐自浙東西十三州爲吳越通考同通鑑輯覽五季晉天福二年吳主下詔禪位於齊十

繁昌縣志書卷之一輿地志建置沿革五

月齊王徐諮即帝位於金陵國號唐改元昇元元年是爲南唐高祖南唐國府志唐先主昇元元年以南唐軍之當塗廣德隸江南府領蕪湖繁昌綏安等七縣通考昇元中改吳之金陵府爲江南府置蕪湖銅陵繁昌三縣又以宣州之當塗廣德池之青陽來屬與南唐國府志異

江南通志繁昌隋初併入當塗而府志云割南陵地置則南唐復置之繁昌亦非舊繁昌地矣（按南唐時繁昌縣舊治在今縣北四十里延載鄉舊縣領地另有圖考附沿革表後）

按曾南豐繁昌縣興造記云繁昌者故南陵地唐昭宗始置爲縣與府志所謂南唐昇元中復置者異（府志亦作昇明中查南唐無昇明年號明字自係元字之訛）但今縣實止五鄉府志相傳必非無據且通考亦云昇元中改金陵爲江南府置蕪湖銅陵繁昌三縣則繁昌爲南唐昇元中復置無疑又按梁志職官表載唐省縣爲石碣場楊吳天祚三年始復置縣王志明查

天祚三年吳主楊溥禪位於齊十月齊王徐諮即帝位於金陵改元昇元元年是吳之天祚三年即南唐昇元元年而沿革表內復載唐史昇明中復置繁昌縣隸金陵府與職官表異蓋梁志分手纂輯人自爲說宜其前後互相矛盾不能一致也今沿革表仍遵府志

宋太祖開寶八年平江南以廣德蕪湖繁昌屬宣州（通考）

太宗太平興國二年升平南軍爲太平州（初南唐於當塗置新和州後周改雄遠軍宋開寶八年改平南軍宋書作南平軍）復當塗縣並宣州之蕪湖繁昌三縣屬之隸建康府路（宋史志建康軍節度領江南東路）太平州縣三當塗（上）蕪湖（中）繁昌（中）○宋史地理志

元世祖至元十四年升太平州爲太平路領縣仍舊轄於江南行御史臺（元史）成宗元貞元年改江東建康道平太平路（梁志）○府志貞元元年分天下爲二十二路

繁昌縣志書卷之一輿地志建置沿革六

順帝至正十五年明兵渡江首取太平路升爲府（府志）

明太祖高帝屬直隸京師太平府

英宗天順元年移繁昌縣志於金陵上鄉以延載鄉故城爲舊縣鎮國朝順治二年江南布政使司太平府統縣三當塗蕪湖繁昌（皇輿表）

康熙六十年江南安徽布政使司（駐劄江南府）隸太平府如故乾隆二十六年安徽布政使司（移駐安慶府）隸太平府如故沿革表

蕪湖以前無春穀繁昌之名也無其名斯無沿革矣今沿革表斷自漢武帝元封二年始不欲繁稱遠引使讀者徒眩心目也

世代

國名

郡名

縣

武帝元封二年

揚州

丹陽郡

是年廢彭郡置

春穀

春穀之名始此